



UNIVERSITÄTS-
BIBLIOTHEK
PADERBORN

Universitätsbibliothek Paderborn

Impius Infelix

Texier, Claude

Augustae Vindelicorum [u.a.], 1695

Tertia est, non habere ullam intentionem huic ideæ diformem.

[urn:nbn:de:hbz:466:1-45950](#)

lignum præferunt intentionem; in istos ultimam discursus mei partem detorqueo.

III.
Punctum.

Non loquor de iis, qui in sacris cætibus comparent ex mera consuetudine, ut politices externæ ritibus se accommodent: *Vobis hypocrite.* Nec de illis, qui ibi speciosam mundi vanitatem, non Christum inquirunt, qui cupiunt videre, aut videri.

Neque loquendi animus est de fœminis, sœculi pullastris, quæ ad sermonem se conferunt eo amictu & ornatu, ac si ad choreas, ad lusum aut coœdiām properarent, quæ videntur sanctis conventibus nostris se intermiscere, ut prædicatori resistant, eodemq; tempore in diaboli causâ perorent, quo prædicationis officium impendi Christo oportet, quæ suggestum erigunt, seu cathedram pestilentia opponunt cathedræ veritatis; *Mulier quippe ornata,* elaboratæ libidinis suggestum compellatur à Tertulliano. Ecclesiastes annuntians Dei Evangelium, persuadere nititur humilitatem, modestiam, mundi contemptum, pœnitentiam, ejuscemodi econtra vanitatis mundanæ alumnæ omnes se intuentes abstrahit ad superbiam, fastum, vestium luxum & amorem sœculi.

Solummodo loquor de iis Auditoribus, qui templum frequentant, curiositati suæ satisfacti, non ut animabus suis præ famis necessitate languentibus, solidum nutrimentum Christianorum dogmatum subministrent, qui aures pauci volunt, sed corda tangi nolunt, qui affectant, ut Sacer Orator exactè observet numerum, mensuram, cadentiam in suis periodis, non item, ut repræsentet vitæ deordinationes, quibus incestantur, passionum infamiam, quâ laborant, enormes flagitorum excessus, quos incurunt. Eos investivâ meâ Peto, quos dudum atro notavit

tavit calculo Isaias Proph. *Filiī nolentes audire legem Dei.* Isa. 30. 9.
Qui illis, quos Deus constituit, ad detegendam ipsis propriam suam malitiam, & imminente in inde interitum præcavendum dicunt; nè quæsumus, gaudiorum, quibus in præsenti fruimur, perturbetis serenitatem, ne tristibus visionum vestrarum nuntiis voluptatum dulcedinem intoxicare velitis: *qui dicunt videntibus, nolite videre.* Ne Ibid. v. 10.
terrorem incutiatis vestris oraculis, intentando jam minas mortis subitanæ, ignis modò inextinguibilis, rogi gehennalis flamas, quas in scriptura invenitis. Hæc enim atram bilem movent; toties hæc nobis inculcantur, ut dictorum difficulter oblivisci possimus: *nolite aspicere nobis ea, quæ recta sunt.* Lubenti animo vobis attendimus, sed loquimini nobis placentia; Liceat vobis, nos aliquantum fallere, dummodò gratiò id fiat: *videte nobis errores.* Ad modernum stylum discurrete, nuntiate nobis, quod Deus jam determinârit tempus & horam conversioni nostræ accommodam, neceſſe non sit pro gratiis efficacibus, auxiliis victoriosis obtinendis, tam anxiè laborare, utp. semper paratis; quodq; modò conatus nostri essent frustanei; quod possimus spem in Christianismo fundatam conservare, quamquam omnibus idololatrarum vitiis sumus prægravati; Dei bonitas nihilominus maneat adeò excessiva, ut promptè nos semper recipiat, tunc etiam, cum mundo jam penitus displicuerimus. *Videte nobis errores.*

Ad eos denique me converto, de quibus Apostolus Timotheo suo prædixit, quod sanam doctrinam rigorile-^{2. Tim. 3. 4.} gis Christianæ innixam tolerare nequeant: *Erit enim, tempus cùm sanam doctrinam non sustinebunt, in quorum attributis pruriunt subtile, curiosi conceptus, qui se oblectant*

fabulis potius quām scripturæ veritatibus : à veritate quādem auditum avertent, ad fabulas autem convertentur.

Dico igitur, quōd intentio horum corruptæ mentis Auditorum sit contraria ideæ, quam in prima discursus istius parte proposuimus, consequenter Deo injuriosa, Prædicatori contumeliosa, Auditori pernicioſa. Deo inquam est injuriosæ, cùm sit abusus & profanatio rei sacro-sanctæ in Religione nostra. Cur, scribit S. Hieron. in epist. ad Galatas, vultis, ut commutemus Ecclesias nostras, quæ sunt scholæ & Academiæ Sapientiæ cœlestis, in Auditoria profana ac comica theatra, ubi non amplius conveniunt instituuntur ad provocanda suspiria, ad peccata coram Deo deploranda, sed eò convenit ad insumendum, & fallendum tempus, ut curiosus discursus animum ibi divertat. Vultis, ut cathedris nostris eliminemus Eloquentiam illam Apostolorum & Prophetarum oraculis sacram, Reginam maiestate plenam, infinitudine quapiam palmarum, laurearum signis gloriose ornatam, & oneratam proscribamus, tot gentium conversarum vietricem dominam repudiemus, eique substituamus Rheticam humanam, comptam quidem, ast effrontem meretriculam, cui nihil ineſt gratiæ, præterquām modica fraudulenta verbositatis tintura ; Ad Auditoria concurritur, ut oratio Rheticæ artis fucata mendacio, quasi meretricula quedam prodeat in publicum, non tam eruditura populos, quām populi plausum quæſitura.

Magnus gentium Doctor, scribens ad Romanos ait, quōd in virtute gratiæ, quam recepit, ut prædicator fieret Rom. 13. 16. Christi, sanctificet Evangelium ; Sanctificans Evangelium Dei, quam autem sanctitatem conferet S. Paulus Evangelio, quod alias jam omnino sacrosanctum est? an non istud potius

potius sui præconem sanctificat? Apostoli mentem Card. Cajetanus his verbis exponit: *Sanctificans Evangelium, id est tantâ reverentia tractans Evangelium, quanta Sacrifcium.*

Negari nullatenus debet, quin admirabilis analogia reperiatur inter sacrificium Missæ, & Prædicationis officium, sicut enim prius est institutum ad conficiendum realiter verum corpus Christi, ita posterius est ordinatum ad constituendum moraliter corpus Salvatoris mysticum. in Sacrificio Missæ incruento Christus, tanquam hostia Immolatur vi verborum consecrationis; in prædicationis officio Auditores sunt victimæ, & maestantur gladio Verbi Dei, postquam feliciori metapsychosi de veteri Adamo in hominem novum, qui est Christus Jesus, transmigrârint. Sicut autem impietas esset extremè detestabilis, Sacrum Mysterium eò inducere, ut habitum lythurgicum, precationes Missæ, verba Sacramentalia adhibeat ad exhilarandos & recreandos spectatores, sic profanatio non minus censeretur execranda, exigere à prædicatore, ut cathedram conscedat in abusum Sanctitatis sui ministerii, in eorum veniat numerum, quos arguit Apostolus: *Adulterantes Verbum Dei, ut Evangelio utatur non ad conversionem cordis, sed ad refocillationem auris, non ad suscitandas animas è profundo peccati lethargo, sed utsuavius & securius eidem indormiant.*

2.Cor.2.17.

Nunquid effrons, impietate plena temeritas est, velle Prophetæ, Apostolo fucum oblinere, scenicas vestes personis tam seriis injicere, prædicantes introducere in loquendi arte poëtis, comicis assuetâ? An hoc non est cum Deo lusum inire, velle, ut, qui est *Antiquus dierum*, verborum novitatem in circulis, gynæceis usurpatam assumat?

Certè

Certè antiqua hæc spiritus Divini Rhetorica, et si rugas in facie contrahat, magis tamen sapientum oculis arridet, quām fucata pigmenta cum omni colorum nostrorum apparatus. Hæc quippe sola & unica est, quæ concordare novit characteres adeò differentes simplicitatem & maiestatem sermonis.

Quod si hæc intentio Deo videatur injuriosa, erit insuper Sacris Præconibus contumeliosa, siquidem eos de gradu suæ nobilitatis dejicit, eòsq; damnationis æternæ periculo exponit.

Sunt illi, prout supra jam vidimus, in mente Divina Vigiles per Ecclesiam dispositi, ad agendas vigilias super populum Dei, à quo impendentia mala avertant. Quem in finem S. literæ passim eos *Videntes* appellant, eoquod lumine Divini Verbi collustrati, mentis suæ acie futura penetrant: quorum tamen oculos corrupti Auditores isti fascinare, excœcate moliuntur: *qui dicunt videntibus, nolite videre.* Sunt illi Omnipotentis tonitrua, vox Domini fulminantis, qui confringit Cedros Libani, & petras comminuit. At isti, Musicos ex iis fingere, cupiunt, ut aures sibi demulcent: *Coacervabunt sibi magistros prurientes auribus.*

Isa. 30. 10.
2. Tim. 4. 3.

Sunt nubes fecundæ, Christi Jesu sanguine redundantes, quæ salutis abundantiam circumferunt, & hi desiderant, ut efficiantur nubes ventis gravidæ, verbis sc. inanibus, inutilibus curiositatibus repleantur.

Sunt robusti bellatores Israëlis, quibus Deus exercituum commisit gladium sui verbi, arcum telis munitum, ad penetranda corda, ad extinguenda vitia, ut sic universæ inferorum phalangi se terribiles reddant. Isti autem tantis heroibus manibus extorquere conantur arma tam gloriosa,

tiosa, econtra ipsorum capitibus imponere serta rosarium, dare manibus fasciculum florum, eòsq; ut homines molles, effæminatos traducere.

Habent illi honorem, exercendi officium Apostoli-
cum, succedendi Spiritui & Zelo Chrysostomi, Basiliī,
Gregorii, Ambrosii, Augustini, aliorumq; illustrium Ora-
torum Ecclesiæ, quos tamen isti fallacium Sophistarum,
numero, infamium declamatorum gregi aggregate nitun-
tur.

Sunt illi electi ad regenerandum Christum in cordi-
bus fidelium, mediante Verbo veritatis. *Genuit nos ver- Jac. 1. 18.*
bo veritatis, qui tamen hoc Divino semine spoliantur, ne
genitrices filii Dei, sed infames adulteræ efficiantur, quæ
in suis functionibus quantumvis divinis, nemini alii pla-
cere, querant, nisi sibi ipsis, suisq; auditoribus; *Adulce- 2.Cor. 2.17.*
rantes Verbum Dei. Num ergo hoc non est idem, ac vel-
le Sacros Oratores suis privilegiis ac prærogativis exuere,
eisdemq; omnem suam gloriam adimere?

Plus adhuc dico, id aliud non esse, quam ethnicæ
plebis crudelitatem denuò in lucem producere, quæ se-
dem in Amphitheatro occupabat, animum divertendi in
profusione sanguinis, & in dispendio vitæ pauperum ali-
quot gladiatorum. Reipsa perversi ejuscemodi Auditores
tempus patiter insumere querunt, séque exhilarare in-
jacturâ salutis æternæ infallibiliter impendente, his Præco-
nibus, qui paræneses suas juxta illorum placita ac vota in-
stituant.

Delicati isti Auditores nolunt, ut illi tam acriter in-
vectivas in sua detorqueant flagitia, nolunt, ut tam vche-
mentes cauteritatæ illorum conscientiæ aculeos infigant,
ejus fundum penetrando, profundè adeò rimentur, de-

C ploran-

16. 30. 10. plorandum ipsorum statum tam vivaciter delineent, cui transacta in sceleribus vita miser os involvit: *Qui dicunt: videntibus, nolite videre.*

Mi Prædicator, facile contingit, ut admonearis de vitiis publicis perstringendis, in istâ parochiâ prædominantibus, de odiis, inimicitiis, quæ familias proscindunt, de injustitiis, quæ ibi committuntur, de corruptis vitæ ni- miūm licentiosæ moribus, quæ ibidem redundant.

Fortassis tibi indicabitur, illustrium hic ædes observari, adhuc perdurantibus pœnitentiæ feriis diversoria, ludicra theatra, lusus, jocos frequentantium; alias notarii, ubi publicè carnes comederentur non citra Religionis scandalum, aliiq; cibi sumerentur tempore interdicto. Hæc tamen, crede mihi, è suggestu ne redarguere, tentes, ærem percuties, tam parum, ac prædecessores tui utilitas exinde referes. Subtiles potius ex secretis Theologiae auditis conceptus eruc, floridas insperge descriptiones, periodos sic stringito, ne leges & limites exerrent suos, id omne, quod discursum tuum despicabilem posset reddere, procul evites; in medium profer læta, curiosa, exquisita. Ecce hæc & similia sunt, quæ Sacris Oratoribus inculcantur. Longè tamen aliter sonant Divini Oraculi sensa, quæ non sine horrifico comminationum tonitru per Ezechiem tibi denuntiantur, audi & time: Nisi impius audacter ea proponas, quæ acceperis ex ore meo. Quænam illa? num attributa, majestatem Divinitatis, mysteria Theologiae recondita? hæc minimè; at viam, quam incedit, vitam quam dicit, tendere ad mortem aeternam, & nisi eum ad meliorem frugem reduxeris, cum damnatis: *Ezech. 33: 8.* apud inferos fore illius portionem: Si dicente me ad impium: morte morieris: non annuntiaveris ei; neq; locutus fueris

fueris ei, ut avertatur à via sua impia, & vivat: ipse impius in iniuitate sua morietur, interim tamen tuum silentium sine vindicta non dimittetur, scias prædicator, in eadem fossa, quam alteri non obstruxisti, te absorbendum. Ibidem.

Sanguinem autem ejus de manu tua requiram.

Nescio num omnes Concionatores minas has, ut par est, apprehendant, scio tamen, earum terrore D. Paulum non modicè aliquando perculsum, dum urbe, in qua Evangelium disseminarat, excessurus, protestari, auditus est: *Conteſtor vos, hodierna die, quia mundus sum à sanguine omnium, ac si diceret, in testimonium advoco conscientiam meam, minimè imputandam mihi ullam culpatum damnationis, si qui è vobis illam incurrerint; quia in proponendis quæſtionibus vanis me non detinui, sed omnia Dei in vos decreta, ejusque voluntatem manifestè declaravi; non enim ſubterfugi, quo minus annuntiarem vobis.* Act. 20. 26. Ibidem.

Theophylactus: quicunq; obligatus ad hoc, delinquenter non avertit à malo, cui, eum propria vitia videntur involvere, quicunque cundem de interitu non præmonuerit impendente, & si lapsus, per pœnitentiam non resurrexerit, is se culpæ & mortis alienæ reum constituit: Ergo, qui non annuntiat, reus est sanguinis, hoc est cædis. O curiosæ vanitates, & vanæ curiositates! heu meræ subtilitates! quæ in concione mera homicidias sunt. Unde evidenter patet, quod nemo optare debeat, vel possit, ut prædicator suas exegeses tali modo instituat, quo propria, aliorumque salus periclitetur, seque, suosque exponat damnationi æternæ.

Dico demum tertio explicatam superiùs sinistram intentionem ipsis etiam Auditoribus quam maximè per-

C 2 nitio-

nitiosam esse. Primo, quod illi peccent contra naturam concionis, quae a Deo ordinata non est, ad satisfaciendum curiositati, sed ad procurandam sanctimoniam auditum. Secundo, quod Prædicatorem spoliare cogitent omnibus se juvandi mediis, quibus, in hoc salutis suæ negotio promovendo, opus habent.

Ad hoc autem bene concipiendum, notetis, velim, ejuscemodi Auditores curiosos, aures sic corruptas tria exigere, concionatorem juxta suum genium effingant. Primo volunt, ne quid populare, plebi notum proferant. Sed potius doctrinæ sublimiori, raris conceptibus, subtilibus dogmatibus studeant explicandis. Secundum est, ut compositio ipsius sit docte elaborata, verbis duntaxat selectis contexta, elegantibus periodis rotundè conclusa. Tertium, restinguat ignes & ardores illos, quos A postolico fervore succensi prædicatores palam exsuscitant, & in Auditores suos spargunt. Hæc verò aliò non spectant, etiam Epicteti, Senecæ, aliorumque profanorum sapientum censurâ, quam ut Eloquentia vera in verbositatem inutilem, in adulteram infamem commutetur; in estimatione Dei & Sanctorum ejus ista nil sunt aliud, nisi enervare vigorem Verbi Divini, ac reddere ipsius prædicationem penitus infructuosam.

Quem in finem, quærebat Seneca, conquerens de quibusdam Sophistis multum anxiis & occupatis in verbis elmandis, ridiculis syllogismis construendis, quibus potior: cura incumberet, mores discipulorum suorum corrigendi: *tu mihi verba distorques, & syllabas digeris?* Quem juvat, tales proponere inceptias? tempus istud concessum non est, ut jocis, risu, corporis relaxatione insumatur, cathedram concendendi facultas credita vobis, non ob aliam

aliam nisi miserabilium causam, qui infinitudine quapiam
vitiorum oppressi laborant, quos erigere, juvare, vobis in-
cumbit. His, præundo, ducatum ac duces vos præbete,
auxiliares manus porrigit, ipsorum damna pro viribus
avertite; *quid mihi lusoria illa proponis? non est jocandi le-
ous, ad miseros advocatus es.*

Me quod attinet, similibus dictio[n]is & doctrinæ sub-
tilioris aucupatoribus respondere soleo, cathedram pro
theoria in scholis, in Ecclesiis verò pro praxi erectam esse;
arcana illius penetrabunt, si ibi subtilizare placuerit; sed
officium istius est, mores corrigendi. Jam novimus re-
ponunt illi, quid pro concione à prædicatore sit precla-
mandum, sæpius id jam audivimus. Concesso h[oc], e[st]is
omnia nō sse, sciunt equidem, sed non faciunt; hinc vocah-
tur ad sermonem, si non eruditio[n]is, saltem salubris con-
fusionis gratiâ ob tantam rerum notitiam, tam modicam.
earum praxiu & experientiam.

Quare volunt illi, ut Oratores sacri, qui ex officio
suo profitentur se medicos, applicent remedia nova & in-
fusa, cùm infirmitates tamen, quibus adeò exercentur,
sint prorsus similes iis, quæ peccatores olim derinebant af-
flictos temporibus Prophetarum & Apostolorum? Deum
ipsum attendite, nos in Scripturis Sacris hortantem, &
docentem, non esse pharmaca magis efficacia pro curan-
dis animabus ægris, & perfectæ sanitati restituendis, quam
considerationem mortis, seriam judiciorum Dei contem-
plationem; multa peccatorum millia ad meliorem fru-
gem per hæc media reductorum, efficacem istius medici-
næ operationem abundè nobis persuadent. Poterimus
ergo nos, nisi manifestam imprudentiæ, exigui animarum
Zeli notam subire velimus, postponere remedia, non tam

à sanctis præscripta, quām cum optato fructu usurpatā,
quorum item virtus nobis adeò est perspecta, in illorum
substituere vices recentia, iisque omnibus incognita, qui
salutem & incolumentem peccatoris expertūnt? Non, ni-
hil minus; si avaritiae cœstro estis perciti, impudicitiae la-
queis irretiti, dolis, mendaciis astueti, detractionibus de-
diti, moribus dissoluti, injustitiarum onere oppressi, qui-
bus malis & morbis pariter laborabant illi, qui Apostolo-
rum sæculo vixerant, præstantibus vobis antidotum appli-
cati nequit, quām illud Apostolicum Corinthiis olim à
Divino Archiatro D. Paulo præscriptum sequenti apho-

I. Cor. 6.9.

*Nolite errare, neque fornicarii, neque idolis servien-
tes, neque adulteri, neque molles, neque masculorum concubi-
tores neque fures, neque avari, neque ebriosi, neque maledici,
neque rapaces regnum Dei possidebunt, hæc itaque damnationis
sententia lata dudum est, quæ revocari nequit, qui
talia agunt, regnum Dei non possidebunt, nolite errare, aliud
vobis nolite imaginari.*

Sed hoc ipsum, subinferet quispiam, proponere si
lubet, exponite stylo tamen expolito, cum terminis sele-
ctis, per antitheses & gratas allusiones. Isti postulato tri-
plici responsione occutto. Prima fundatur in S. Paulo,
cujus assertio est, se Evangelium nostrum non accepisse ab
hominibus, sed ab ipso Deo, consequenter id nobis præ-
dicandum, non ad placitum hominibus modum, sed se-
cundum intentionem Dei: atqui Deus, tradit idem Do-
ctor genium, testificatus est nobis, quod salvare decreve-
rit humanum genus non per conciones, labioso ingenii
conatu excocatas, raris conceptibus ornatas, sed per sim-
plicem humilitatem, quam perverso vocabulo mundus,

stulti.

*stultitiam nominat: Placuit Deo per stultitiam prædicationis 1. Cor. I, 12.
saluos facere credentes.*

Altera respsio est petita ex Sancto Gregorio; quise n-
tit, prædicationes nostras genuinas esse filias scripturæ sa-
ceræ; quapropter indecens fore, affirmat, filias hasce ni-
mis superbo verborum fastu amictas, prodire in lucem, ne
ruborem modestiæ & simplicitati rara sanctæ matris adeò
demissè incedentis, exprimant. Prætereà oportet, ut
actiones & dictiones in concionibus expressæ nativum
originis suæ locum, unde prodierunt, in se demonstrent,
unâque se, & quæ in forma ac in materia Christianas pari-
ter esse, ostendant. Ultimo demum loco respondeo, ho-
mines à nobis ad Dei Verbum convocari, non ut exinde
bene loqui, sed bene agere addiscant; minimè volumus,
ullam ad dictiones nostras fieri reflexionem, sed sub ea-
rum involucris latentem nucleus, objectum solummo-
dò, quod pertractamus, salutis scopum attendi cupimus.
Nostra intentio est, vobis delibandum propinandi bonita-
tem ac sanctitatem Spiritus Divini, non item subtilitatem
& delicias spiritus humani.

Non minus hallucinantur, qui movent querimonias
in vehementiam Oratoris Ecclesiastici, motus ipsius ni-
miùm concitatos, clamores importunos incusant. Fal-
luntur illi, & nesciunt Verbum Dei creatum analogum
esse cùm Verbo increato in sinu Patris aeterni, ubi genera-
tur istud non solum, ut lumen de lumine, sed veluti quæ-
dam amoris flamma, quæ aliam succendat. Sic pari mo-
do, satis non agit Evangelicus Praeco, si illuminet; requi-
ritur enim, ut motuum suorum vehementi afflatu suorum
Auditorum corda inflammare, & incendere enitatur.

Si te-

Si tepidi & frigidi Auditores isti vivaciter sibi ob oculos ponerent momenta causæ, quæ tractatur, Divinæ Majestatis contemptum, commodum ac damnum æternæ salutis, reverè stupore perculsi vix caperent, quod nostri animarum Curatores non cum majori amoris intensione prædicationis officium exercent.

Proh Deus! quis credat, quod tamen experimur, omnia nimirum propemodùm primævi Christianorum. Zeli deleta vestigia, pristini fervoris extinctos ignes? pas- sim jam advertimus in maritali consortio turpes impuri- tatis notas, corruptionis labem in familiis, dissolutionis perversionem in juvenili ætate, videmus in commercio in- fidelitatis technas, in mercibus alterationis fraudulen- tiam, in foro justitiæ timiditates, malitias, oppressiones, in communi plebe excessus, deordinationes prædominari. Eò devenimus, ut habeantur & vendantur impietas & laxi- tas pro fortitudine animi; iugamenta & blasphemiae pro singularibus linguae elegantiis; maniaca ludendi consue- tudo pro honesta, fœminarum etiam, occupatione; for- niciatio pro leviculo lubricæ carnis defectu; adulterium, enorme illud nefas, omnia transcendens flagitia pro sorte bonæ fortunæ; Simonia palliata, & profanatio patrimo- nii Christi Crucifixi pro legitimo contraetu; uno verbo, conteguntur omnes nequitiae quantumvis abominabiles honesto virtutis velamine. His non obstantibus, quæri- tis nihilominus è nobis, *quid clamas?* quem in finem tot, tantique clameres & calores? sentimus flagella Divinæ Justitiæ, quibus indies ferimur, brachium Domini supra nos intuemur protensum ad nos durius plectendos, eo- quod è profundo scelerum lethargo alijs evigilare noli- mus; nobis tamen exprobratis, *quid clamas?* quocunq;

CON-

conjiciamus oculos, undique nil videmus, vel audimus aliud, quām Deum contemni, malè à propriis tractari creaturis, præiosum Christi cruentum pedibus conculcari, animas Christianorum in tam numerosa copia præcipites devolvi in barathrum æternæ perditionis, ruere millenas simul in flamas inferorum inextinguibiles: post hæc non defunt, qui mirantur tanquam à nobis alienum, si altius inclamemus, rescite avert, quid clamas? Amantissimus Magister noster, vera Prædicatorum idea, prædicabat aliquando D. Marco teste, cum adeò intenso mentis ardore & animi æstu, ut amicorum quidam mysterium ignorantes judicarint, eumque mentis insanæ arguere præsumperint: *Quoniam in furorem versus est.*

O Deus! Divina Sapientia nimio Zeli & furoris sacri impulsu extra se abripitur in negotio conversionis animarum, nos hæc scientes tam arctè tamen affigimur verbis exquisitis, gesticulationibus mensuratis, ac si nobis essent concreta & infusa, contra spem ac promissionem Concionatoribus Divinitùs datam: *Dominus dabit verbum*, Psl. 67. 12. *Evangelizantibus in virtute multa.*

Si vultis, ut consuetum nostrum prædicandi morem immutemus in alium novum, modum politicum, prius tria è manibus tollite, sc. Crucifixum, Evangelium, & Sanctorum Vitas, postmodum afferemus gratas antitheses, elimos dabimus periodos, non nisi saccharo incrassata facturi verba: verbo, stylus noster tam æquo incedet gressu, ut nec ad nimiam laxitatem, neque rigorem declinando, offendat. Sed quamdiu videro Crucifixum, id est Deum in Sanguine & plagiis cooperatum, quamdiu in Evangelio legero: *Regnum cælorum vim patitur; qui non renun-*

D

Mate. 3. 21.

tiat

riat omnibus; que possidet, non potest meus esse discipulus; si oculus tuus scandalizat te, erue eum &c. Quamdiu audiero Sanc̄tos, qui sudant & laborant, qui gemunt & plorant, qui gemunt & plorant, qui se affligunt, & post omnes has carnis afflictiones clamoribus istis immortientes: ô quām horrenda sunt iudicia Dei! Quamdiu h̄c oculis auribus meis fuerint exposita, tamdiu desistere nequeo, rejecto omni verborum fuso, simpliciter vobis loqui. In veritate, vosmet ipsos condemnatis, aut Crucifixus hic non est Prædestinaturum ideam, vel Evangelium istud nos seducit, aut sancti versantur in errore.

Omnis h̄e rationes evidenter convincunt intentiones talium curiosorum, indifferentium & corruptorum Auditorum esse perversissimas;

Luc 11. 28 Ut verò simus in eorum Auditorum fidelium numero, qui ab ipso Divino Verbo albo notantur calculo: *Beati, qui audiunt Verbum Dei,* oporiet, disponamur, ad idem opere complendum, & custodiunt illud. Formandæ ergo intentiones, conformes ideae ac notitiae, circa Prædicatoris officium Divinitus nobis concessæ, quales sunt: assistendi concioni, ut in Verbo Dei veluti in speculo observeamus manes & maculas coridis nostri, ut in memoriam reducamus veritates æternas, roboremus voluntatem nostram in amore boni & in odio peccati, ut Hebreorum more sibi de manna prospicientium, nobis provideamus de Verbo Dei, quod eum Davidē recordamus in scrinio cordis nostri, quod fortius peccati temptationibus resistere possumus: *In corp. Psal. 118. 11: de meo abscondi eloquia tua, ut non peccem tibi.*

Uno-

Uno verbo, finis & intentio nostra sit, recipiendi Verbum Dei in ordine ad custodiendum illud, id est opere ipso adimplendum: *Custodia sermonis Dei, adimplatio ejus est*, ait Euthymius. En conformem Apostolorum SS. Pauli & Jacobi sensum non audientes tantum, sed audita exequentes Christianos commendant: *Estote autem factores verbi, non auditores tantum.* Jacob. 1. 22. *Non enim auditores leges justi sunt apud Deum, sed factores.* Rom. 2. 13. *legis justificabuntur.*

Ecce isti sunt, qui in præsenti characteristicæ prædestinatorum præferunt, & hæc profectu ex Divini istius Verbi auditione per omnium Christianarum virtutum praxin, ejusdem aliquando recipient fru-

ctus in cœlo, quod nos ducat Pater,

Filius, Spiritus Sanctus

Amen.



D 2

IMPIUS